



平陽府志卷之五

山川

古者國主山川非但修祀事徼庇佑而已蓋亦因以爲表焉於天下之中而有冀州若禹貢所載自壺口以下是其表也於冀州之中而有平陽於平陽之中而又有諸州縣北起大岳東連太行南接中條大河洶濤環繞西南是爲一郡之表其中山水支裔若姑射翠屏平汾澮絳之屬隨其邑境所有則又各自爲表美哉泱泱乎洵晉中一大輿區也善乎鄭夾漈之言曰州縣之設有

時而更山川之形千古不易禹貢分州必以山川定疆界故為萬古不易之書今倣其意作山川志

臨汾縣附郭

姑射山 城西三十五里山有姑射蓮花二洞即莊子所謂藐姑射之山有神人居焉肌膚若冰雪綽約

若處子是也神居洞即姑射洞政和八年勅立

石孔山 城西三十五里姑射山前九孔相通深不可測

平山 城西南二十五里即姑射之支也平水出焉山海經云平山平水出於其上潛於其下是多美玉

浮山 城東南三十里相傳洪水橫流時此山隨水消長

臥虎山 城東三十里以形類名

礬石山 城西北五十里山有石似礬

漫天嶺 城東北五十里與龍角山東西相距

汾河 城西二里源出太原府靜樂縣有二一在管涔山天池一在林溪山龍眼泉至支鍋石村合流至寧

化所五里禹之孫昌寧公所定名定河至縣西南流經樓煩鎮歷交城陽曲太原清源文水祁縣平遙介休孝

義靈石霍州汾西趙城洪洞臨汾襄陵太平至絳州東繞南門西流過稷山河津榮河入於黃河所經州縣多

引為渠山海經云管涔之山其下多玉汾水出焉由西南注河入皮氏南秦之皮氏今之河津也

平水 出城西南平山下東流至城西五里名平湖為居民上已遊觀之所又名晉水流至襄陵北門外入

汾按水經注汾水南與平水合水出平陽西壺口山尚書所謂壺口也其水東經狐谷亭北春秋時翟侵晉取

狐厨者也又東經平陽城西入汾俗以為晉水非也

金龍池 出平山下 詳見水利

澇水 出浮山烏嶺下一名黑水其傍有小澗溝合流至 府城北高河西入汾

永利池 城內西北即蓮花池周 圍三百八十步深五尺

澧泉 城東南二十里東亢村出於平地相傳通濟源周 圍三畝六分舊名深泉金因其不雅易之曰亢元

又易曰澧植蓮甚盛池上 有澧泉神祠禱雨輒應

黃蘆泉 城東二十五里源出臥虎山下宋慶曆三年知 晉州軍事潘大博曾引入城中蓮池後廢

襄陵縣

臥龍山 縣東南四十里其巔有塔一名崇山又名太尖 隋時有千尺大蛇臥其上故名臥龍神廟前古

松一株大十餘圍高百餘尺扶疎如蓋蔭可數畝又古 栢一株內抱槐亦大數圍皆千百年物其山東南接曲

沃翼城北接臨汾浮山俱名 分水嶺東北亘長二十里

姑射山 縣西北十二里三嶺 山之北見臨汾

平山 見臨汾

龜山 縣東三十五里臥龍山 之北突然高起以形肖

三嶺山 縣西南三十里長九十餘里巍然獨高其形三 嶺

九龍山 縣西南三十五里三嶺 山之南其山脊有九曲

盤龍山 縣西南三十里山 勢盤繞如游龍狀

壽星山 縣東南四十 里俗名南岱

少石山 龜山後有石洞相傳子房辟穀處旁有黃石公 祠

焦石嶺 縣西十七里其石皆紫黃色上有龍王祠每禱輒應

石牛嶺 喬山東北支山世傳李耳過此牛臥地化石今其石色青形如牛

龍泉頂 崇山之支高阜處有石泉水味清冽溽夏八日飲之不涸

龍澗峪 縣西南二十里中有龍澗神祠世傳曾有雙龍鬪於此謬也土人讀澗為鬪音故又名龍鬪

華池峪 縣西十五里中有石洞遇歲旱滴水如珠即雨

仙人坡 安李村西南相傳赤脚大仙至此今石上足蹟深四寸許俗呼為神仙脚

白石坡 縣西南三十五里山徑崎嶇人跡罕至弘治間知縣李高開廣為大路通隰州等處商樵便之

自崖 趙曲東南高阜處建文昌閣地形崱嶭樹色蒼蔥為鎮之文巒

汾河 縣東一里見臨汾

平水 縣西北十五里見臨汾

三交水 縣東南三十里源出崇山至興光村西合鄧梁二水為三波紋潌遠

巢溪 縣東南三十里即三交水西注至荆村入於汾世傳巢父洗耳處又名洗耳河又名賴水旁有土阜

名箕山

石盆溝 龍泉頂畔巨石如盆形內潌水常盈人莫見其泉源雖盛暑大旱不涸

二郎溝 縣南二十里有二郎神祠及雲幽洞邑人范晟有記

八眼井 縣西十八里薛村里世傳趙宋時村人加姓賈姓者謀鑿井灌麻忽白衣老人指之曰離此西

南一畝許可鑿忽不見二人遂於其地鑿井無水再鑿亦無至八眼水方出其七眼俱出焉遂通流為八眼

蒲水井 一在縣東南十里魚池一在縣東南四十里張相村其水長溢流於外夏月尤盛

丹朱泉 縣西南十五里景村世傳丹朱插劍於此拔而得水

娥英泉 縣西南十五里薛村里世傳娥皇女英遊於此泉東入汾

灰泉 縣北二里泉底皆灰淘之不盡其水清冽異常

靈泉 縣東深泉村其泉平地湧出匯而為池旱不乾澇不溢

飲虹澗 縣南二十里上有飛虹橋下通二郎溝邑人邢雷有記

洪洞縣

九箕山 縣東十三里狀類箕南向者九故名亦名土山

英山 縣西二十五里圈頭村西北西望婁山南連天石上有娥皇女英祠因以名

婁山 縣西三十里婁村西南北接趙城羅雲山南對臨汾天石山屹然孤秀翠栢陰森上建婁山神祠

玉峯山 縣北玉峯門外少東山自九箕而來回龍朝拱廟貌巍峩松栢蒼翠東望霍岳西面汾川南對

洪崖勝地也

洪崖 縣南安流門外一里許高聳百尺形若壁立望之屹然

寶崖 縣東六七里秦壁村東北四壁截然高聳俯矚澗水中建廟宇爽塏僻靜孤栢挿雲邑稱勝景修業者多聚焉樵牧于此嘗獲寶錢故名明嘉靖二十年知

縣楊九澤奉文築城堡于上城與壁稱足以捍禦

汾河 縣西北拱汾門外二里許臨河居民穿渠溉田其利無幾夏秋雨漲兩岸良田崩沒民甚苦之舊河

身不甚大今七倍于昔漸徙而東去城伊邇若伐石砌長厚大堤于河右預為捍城計其在賢司牧哉

澗河 縣南安流門外發源岳陽縣其源二一出縣北安吉嶺一出縣西北金堆里千佛溝西南流至故岳

楊村二水相合經洪洞西流入汾臨河居民多引溉田夏秋雨漲逐年崩塌臨崖地幾盡弘治十七年河水浸

塌城垣知縣鄭選令義官張滂築堤護之長二百丈高丈餘後衝損嘉靖二十二年知縣陳宗仁加修砌石堅固倍昔迄今賴焉流至城西南角四曲三灣轉北環城與汾水合流處仍作迴轉洪邑人文之盛蓋賴此云

英泉 縣西二十五里英山西南麓水出石竇深不盈尺飲亦不竭俗呼神泉

無底泉 在縣北八十里坊塢村陰晦水濁晴明水清人溺入不沉故名俗傳為海眼

浮山縣

中條山 縣東四十里南通翼城東烏嶺北達岳陽草峪嶺東支遙接沁源界俗名橫嶺

堯山 縣東八里即中條之西麓巖然高出上有帝堯廟古栢數株傳聞帝堯曾避於此歷代碑記頗多每

四月二十八日有司詣山致祀

天壇山 縣東南五里一名南堯山由橫嶺蜿蜒而趨乃堯山西南結聚處突兀撐空上有石壇三級壇

東有龍井又有真武廟玉皇及太乙閣為邑勝景

司空山 縣東南二十里原名風穴因上建司空廟故云其山腹內空虛人經過行步有聲傳聞其巔有

穴孔出風樵牧者納衣其中少頃即出唐時有數虎為害一異僧伏之今山東北隅地名虎兒殿見玉兔寺記

鳴山 縣東南二十五里南連銀洞北接司空每天欲雨此山颯然先鳴

龍角山 縣南三十五里東西二峯並峙雲表舊名羊角山唐武德間神人見此更今名下有穴名珍珠

洞深不可測東峯巔有泉曰華池上建嘉潤侯左伯桃廟西峯巔建孚祐將軍羊角哀廟四月八日有司詣山

致祀

銀洞山 縣東南四十里西北連龍角相傳舊有礦土人以銀洞呼之其水南流達翼城界名金河

壺口山 縣西南四十五里一名蜀山西接臥龍東連龍角滴水出其下綿亘數十里

月山 縣西南二十里南接臥龍西距漫天嶺

黑山 縣北四十里一名牛首又名烏嶺為中條之別支
水經註曰黑水出黑山西逕陽城南又西與巢山
水會山海註曰牛首之山勞水出焉西流注于滴水

西左嶺 縣西十五里一名黃花嶺以其地產芫花故也
南距月山西達郡城橫亘十餘里為本邑右臂

秦王嶺 縣北四十五里唐太宗為秦王時自太原而南
破宋老生於霍邑從霍山東分兵詭道潛行至
此曾率游騎轉戰於栢壁村後人因立廟嶺上以祀之
又趙城靈石聞喜皆有秦王嶺

北天壇山 縣東北二十里一名北堯廟亦中條之別支
也山端有廟栢樹叢羅氣象深秀

佛嶺山 縣東北三十里即中條之右臂去山僅數里高
敞清幽上有祠並寺觀為地勝境

龍池二 一在縣西二十里浮谷鄉之龍王廟一在東南
十五里之濟瀆祠

華池 龍角山東峯之巔武德間初建慶唐觀苦無水池
水乃自流至觀前工畢流止遇旱禱雨輒應

龍井 天壇山南澗中有三一東南一正南一西南深不
可測天旱禱雨屢應在西南者即今之龍泊是也

南河 縣南一里許源出中條自東南環城西北流邑境
無水利獨此河流灌園圃至馬臺會丞相河西入
於汾舊有蓮花池在河傍南坂坡下今廢

滴水河 縣南二十里源出壺口山自西南來會龍角司
空二山水至交頭河折而西流經汗水殿合濟

瀆澗 遶大義寺而北趨龍神溝歷下寨橋入汾唐時引
山水及高粱水入百金泊溉田

諸葛河 縣北六里源出中條經栢村合南王澗水西流
為丞相河至馬臺界與南河交會入汾丞相河
者謂昔霍光之別墅也

金水河 縣西南三十五里源出浮山下本邑趙家嶺之
西溪也土人有時於流沙中見金屑故名北流

至河裡庄由下寨橋入汾

楊村河 縣北二十五里發源中條由唐葛栢壁村西流經楊村與黑水合流入高粱達於汾

澇水河 縣北四十里源出烏嶺下一名黑水見臨汾

永惠泉 縣東四里天壇山西麓土厚地高居民乏水鑿石引泉蓄於石窩中取之不竭民甚便焉故名

懸泉 縣東北二十里北天壇之西巖懸崖涓滴鏗然有聲宛若戛玉鳴珮匯流成澗甘涼透骨號曰清溪

西北流合於黑水

趙城縣

霍山 一名太岳在霍州東南二十里南接趙城北跨靈石東抵沁源古為冀州之鎮今為中鎮其東有峯

上圓名觀墀峯山極高峻形勢巍然迥出雲霄上有五色花雙頭蛇入山五里許有中鎮廟靈應甚速凡遇災

異遣官奉祀仍命有司例祭水經注曰岳廟甚靈鳥雀不棲其林猛虎常守其庭又有靈泉以供祭事鼓動則泉流聲絕則水竭

羅雲山 縣西四十里巖嶽巍峩峯巒重疊北接汾西南連洪洞西抵蒲縣其山嘗有雲氣不時舒布于

上故名羅雲舊有七佛峽寺即雲岩也寺後有小泉味甚甘美居人用之不窮

明珠山 羅雲山東北近石明里上有清真菴山之西南溝中有龍泉寺

秦王嶺 縣南三十里名秦王坡

五女原 縣北十五里漫衍廣博為邑北屏

汾河 縣西臨河居民多引灌田見水利

第一河 以山溪泉水所宗故名源出七佛峽流經蒲縣城西至大寧縣界入黃河

霍泉

源出霍山之南見水利

馬跑泉

廣盛寺北范霍峪

南小澗

城南五里許出霍山谷中故屯南有龍王廟凡有所禱輒應邑人呼為小澗龍王西入汾河

南大澗

城南二十里上紀落鎮南出霍山青條谷中上有大石橋西入汾河

舞羊澗

城北十里石明里南山上有一小泉時遇雨水遂成大河東入汾河

轟轟澗

城西十里石明里北水聲如雷故名源出汾西流至本縣境東入汾河

太平縣

姑射山

縣西十五里見臨汾

九原山

縣西南二十五里晉大夫多莖其處趙文子與叔譽觀于九原即此

汾陽山

縣南十里汾水之陽故名東西亘峙為邑之南屏

巴山

縣東二十五里有蘆葦懸生崖半蔓延數尺歷冬不凋望之如藤蘿狀

清濂洞

縣西二十里賈剛村西即王道源仙化處舊嘗禱雨于此

桃花洞

縣西北二十五里蟠道村北洞口桃一株出自石中其花先放香艷異常

照望峯

縣西北二十五里西安平西北姑射山之巔更深猶見日色北曰神仙洞碁迹猶存南曰勝水

泉澄清如鑑里人建廟于其上亦一巨觀云

太和洞

縣西南十五里即焦村泉所出

慈航洞

縣西門外

留雲洞

縣東南十二里西毛溝聯云遠挹千峯翠平吞一水清

汾河 縣東二十五里由北而南入絳州界

源泉 縣北源出景毛村又潛流地中至西郭村東復出

龍谷水 縣南三十五里南柴村經絳州左傳云龍見絳郊即此

岳陽縣

霍山 縣西北九十里見趙城

鳳凰山 縣西北七十里其形宛若鳴鳳昂霄兩翅矯然

尖陽山 縣西北七十里崇岡峭壁旭日先照故名

雪白山 縣北四十里上多白石望之若雪

三稜山 縣北五十里三峯並峙瓠稜峻厲

鰲頭山 縣北五十里巉巖峻厲形若鰲頭

蓮花山 縣北七十里七峯連峙霍山之支也

黨家山 縣北九十里霍山之支

尹家山 縣東六十里

屏風山 縣東四里太行餘支有虎踞龍盤之勢一名掛榜山

刁黃嶺 縣東南一百五十里

安吉嶺 縣東北五十里澗水發源

洪門嶺 縣東八十里

東鄔嶺 縣東南一百里

草峪嶺

縣東南七十里路通潞安府

龍頭崖

縣北七十里

滴水崖

縣北七十里

香爐崖

縣北六十里

饒餚崖

縣北六十里

滲水崖

縣北六十里大水湧流至此忽乾相傳神人以杖卓山水遂透山而過至趙城廣勝寺下有水湧出卽此水也

仙洞崖

縣北五十里洞深不可測

盛佛崖

縣北五十里

鐘樓崖

縣北四十里

沁河

縣東北九十里一出沁源縣西北綿山一出沁源縣東北馬圈溝合流縣境內百餘里東南入黃河南入沁河

蘭河

縣北八十里源出寶豐里經流唐城上縣等處東南入沁河

赤壁水

縣北六十里源出趙城縣霍山赤馬交西南流二十里至漏崖潛入地中過南三十里復出合澗水見一統志

大澗水

有二一出境北安吉嶺一出縣西北堆金里俱西南流經洪洞縣入于汾

神水

縣北五十里池水常滿數百人飲之不竭卽經千日不取亦不溢

八十里川

縣東一百六十里源出長子縣發鳩山西南流與沁水合長八十里故名

聖泉

縣東三里東山之麓延慶觀水出石中羽士激之從石鯨噴吐注觀中石渠婉轉曲折伏流三清殿

下至殿前流出匯為二池可以畜魚

澤泉 縣北二十五里

馬跑泉 縣北五十里

田沃縣

紫金山 縣南十三里東達太行西極隘口高五里盤踞百里古志云產銅今無

絳山 縣西南二十里即紫金山脊尾日夕迴光返照如絳色故名

四稜寨 即紫金之巔正對縣治上有紫陽宮宮側有風洞深遠莫測

青玉峽 紫金山東南北長二里許東西兩崖對出高數十仞

郝家山 明郝修已賜田處修已嘗耕此後服官清介洪武間予田旌之紫金故童山獨此草樹茂密

冰巖 縣南十五里紫金山半有泉下注石崖冬則凝而成冰三四月猶存與晉宮殿遙對巖下有龍底泉

喬山 縣北四十里太行之支也山形陡峻故名雙峯時空中遵磴造峯頭猶山麓也北壁萬仞徑絕好事

者鑿石梯之僅容一身上攀下踐手足皆石既躋四顧

一謂喬山以下有空澗山覆于上如橋形西麓有夢感

泉中峯有軒轅廟遇旱禱者畢至輒有片雲止簷際即

雨歲久廟燬石柱鐵瓦猶有存者相傳堊黃帝衣冠於此云

臥龍山 縣東北四十五里又名太尖山乃太行支脉舊志隋時有龍臥于此

壩頭山 其巔畧坦爾雅所謂上正章也故名峯側有石龕似避世地鐵鐘猶存

汾河 縣西八十里見臨汾

澮水 縣南三里源發太行山東烏嶺經本縣河底韓村等里西流入于汾

合水 縣北二十里源出太尖山與溫泉諸水合流西入于汾

沸泉 縣東南二十五里源出絳縣流入本縣景明村水經注曰俗謂之白水也水出絳山東至寒泉奮湧

揚波北注懸流奔壑十一許丈青崖若點黛素湍如委練望之極為奇觀

翼城縣

翔山 縣東南十五里舊府志作澮高山括地志云澮水出焉通志作詳高山水經注曰澮水東出詳高山

亦曰河南山又曰澮山其形如鳥張翼亦名翺翺亦名翔臯山今通名翔山產銅鐵前有灤將軍祠下即灤泉

羊角山 縣東北三十里唐武德三年有吉善行者于羊角山下見有白衣父老曰為吾語唐天子吾為

老君而祖也詔以其地立廟山有二峯西北峯屬浮山東南峯屬翼城上有羊角哀左伯桃廟開元十八年勅修有水名華池歲旱人多禱焉

佛山 縣東七十里澮水南源出焉

八寶山 縣東北二十五里有八峯漢文帝時河上翁隱此今有河上翁堆

七寶山 縣北二十五里與八寶相對

丹山 縣北二十里出丹砂甬後人多拾之又曰丹陵即丹朱封地上有丹朱廟

覆釜山 縣西北十五里即縣西陵之首蜿蜒而南綿亘數十里有介之推廟俗呼小綿山

蜀山 縣北三十里相傳漢鄧通鑄錢處爐迹尚存每有拾銅與錢者按文帝賜鄧通蜀嚴道銅山得自鑄

錢括地志云在雅州榮經縣北三里唐大曆中第五琦上言請于絳州汾陽銅源兩監增置五爐此其是矣

石姑山 縣北四十里其南有大石挺立故名舊志云昔有龍女至此入石縫有草葉似莎長四五尺俗

呼龍女髮早梳之則甬山下有石如牙斧狀又云龍女所棄

天柱山

縣西北四十里一名臥龍山俗稱大尖山界翼城臨汾襄陵曲沃浮山五縣

歷山

縣東南九十里通稱舜王坪即舜耕處山界翼城垣曲沁水陽城四縣旁有瞽塚村諸馮村屬垣曲

又有馮汭泉屬沁水史記注鄭玄曰歷山在河東朱子綱目云舜耕于歷山生于姚墟因以姚為氏邑北門外水清鎮古相傳為姚墟地今尚多姚氏又蒲州亦有歷山

烏嶺

縣東六十里二嶺相對東烏嶺屬沁水西烏嶺屬翼城地里志名黑領因避宇文諱易今名穆天子

傳曰西絕鉞陞即此唐節度使石雄伐澤潞引兵踰烏嶺破五寨亦此其地最險隘有巡檢司

百草嶺

縣東南四十五里多產藥草

菩薩崖

縣東二十里又名觀音洞深遠莫測洞口建觀音祠

千佛窟

縣東南二十里翔臯山後窟內風大有聲人不敢入或云與觀音洞通

蝦蟆口

縣東南三十五里兩山相夾雲起多雨旱則邑民望焉

澮河

一出烏嶺一出佛山下合流而西水經注曰澮河西逕翼城南又西南合黑水嶺水導源東北黑水

谷西南流經翼城北右引北川水出平川南流注之亂流西南入澮水又西南與諸水合謂之澮交又西南與絳水合歷曲沃至絳州入于汾

高泉水

出東南近川西北趣澮交注澮

紫谷水

東出自馬山西與田川水合水出東谿西北至澮交入澮

范壁水

出于壁下並西北流至翼城二水合而為一西北流至澮交入澮

灤水

出翔山至李村與澮水合詳水利

賀水

源出絳縣東賀村西與灤水合水經所云有賀水東出近川西南至澮交入澮者是也

釵股泉 縣西十五里感軍村雙泉並湧形如釵股相傳漢薄太后從文帝之代聞河上翁明老子道枉駕訪之衛士渴甚太后視天插釵於地遂得泉因名

神泉 出縣北門外水清鎮

沙泉 縣東南十二里下流村西與灤水合詳水利

善淵 縣北十五里龍女村俗傳張老夫婦於淵旁得一女入石姑山石縫中土人祀為石姑神云

汾西縣

姑射山 縣西六十里一名青山乃姑射之連阜山產鐵舊有藐姑仙人祠

聖水山 縣西五十里泉流不竭澄清如鑑

商山 縣東南六十里上有商山神祠

石佛崖 縣北三十里崖高三丈許廣四丈有奇環崖皆石佛像崖雖崩裂佛像仍見

九仙洞 縣西六十里石壁峭立俯臨汾河壁有洞深邃莫測

汾河 在縣南關乾河鎮見臨汾

轟轟澗 縣東十五里澗東南有廟下有潭深不可測廟後有石洞澗中有穴望前壚而出聲望後吸而入聲其聲如雷見一統志

小潺澗 縣東北五里流于霍會于汾其聲潺潺冬寒水若沸湯常有白蛇出沒又名白龍池

泊池 縣東門內元天曆初縣尹平民濬甃為池冬夏不涸

李安庄洞泉 縣東十五里懸崖之內有古洞深五丈餘內有清泉丈許

靈石縣

綿山 縣東三十五里一名介山左傳晉公子重耳出奔及還國賞從亡者介之推不言祿遂隱此因名一名介美山南連雷首北跨恒岳盤桓遼遠隨地異名其中名勝不可殫述

翠峯山 縣東林木茂密四時蒼翠故名

抱腹山 縣東四十五里即抱腹巖接介休地

尖陽山 縣東南七十里山勢陡峻高插雲表上恒積雪春深望之皓然

石膏山 與尖陽山相對多產石膏且佳有上中下三巖峯巒壁立豁壑幽深瀟灑清奇若入異境

十八盤山 石膏山南山極陡險上下盤繞共十八曲

孝文山 石膏山東十餘里相傳孝文皇帝寓此

捕狐山 縣東南七十里高五里徑過七里上有神廟俗傳為捕狐神

臥牛山 縣南四十里形如臥牛

烈鳳山 縣西十五里如鳳之飛揚

馬頭山 縣東五十里山勢聳出如馬頭然亦名馬脊山

栢槐岩 縣東五十里與抱腹岩相連

馬跡岩 縣東三十五里石上馬跡宛然

龍岩 縣南七十里寺俗傳宋藝祖避兵于此

韓侯嶺 縣南二十里有廟墓在廟後多名人題咏見古蹟

秦王嶺 縣西南三十里唐太宗取霍邑駐馬于此

蛤蚬嶺 縣西南五十里以狀類名即古賈胡堡相傳唐兵取霍邑駐此俗呼蚬子嶺

文殊原 縣西二十里相傳為文殊顯真之所

望川原 縣北十七里東西舖頭兩界相傳禹治洪水時登此觀望水勢有祠

禹王原 縣西南道美里相傳夏禹曾遊於此有祠

汾河 流經縣境冷泉等鎮直逼縣城之北合小水河繞縣西復轉而東抵翠峯山下折而西南入霍州界

小水河 縣北門外源出綿山興地峪及栢溝曲美峪流經靜介等村至縣入汾夏秋水暴漲洶湧迅急勢如連甌縣處下流數被其患

曲美峪河 縣東四十里源出綿山箭霍巖諸溝之水流經梧桐等村與小水河合入于汾

栢溝峪河 縣神林北源出綿山藥空諸澗水流張岫等村與小水河合入于汾

新水峪河 縣西南六十里源出陽州印馬峪而孝義栢枝峪諸水復自北流會之經雙白等里至秦

王嶺南入汾

雙河 縣東一百七十里源出雀兒山岩東流入汾

桑平峪河 冷泉北十里居民千餘家山水環遶

沙峪溝河 縣東四里入小水河

懷來峪河 縣西十里入汾

仁義河 縣南四十里源出沁源流經尖陽石膏諸山之南過仁義鎮至南關鎮入汾

石門峪河 縣西四十里源出孝義舒江等山峪諸水會流經文學等里至夏門鎮入汾即西河

石村溝河 縣南五里會東山之水入汾

郭家溝河

韓侯嶺常家山之中各山水會流經魯班纏入汾

景家溝河

索州鎮汾河西通孝義郭壁等村諸溝之水入汾

賀家溝河

曹村北通文學里諸溝之水入汾

石門溝河

仁義驛北水入仁義河

柳溝河

仁義驛東水入仁義河

羅兒溝河

仁義驛東水入仁義河

青石溝河

道千村水入仁義河

水峪溝河

縣東北十里水入小水河

冷泉

縣北四十里風景寒涼其泉清冷下與汾河相通視河消長以為盈涸

野泉

縣南十里水極甘美

方泉

縣北七里

平泉

縣西北三十里水入景家溝

蒲縣

翠屏山

縣西南一里山勢秀麗松柏鬱葱儼如翠屏上有晉文公廟歲寒亭棲雲閣明末流寇擾亂知

縣張啟謨以土城難守請將松柏變價備磚包城今山水濯濯僅存空名而已

南屏山

縣南一里狀如屏風松柏森然羅列如眉又名蛾眉山

東神山

縣東五里根盤數十里松柏濃茂為蒲勝景

五鹿山

縣北五十里高八里盤踞十里上有五鹿大夫廟迤邐至縣高峯再起是為縣北山城建其下

蒲子山

縣東北五十里世傳堯師蒲伊子隱此

公峪山

縣北七十里蒲處萬山之中其著名者惟此

行駕坡

縣西南二里其地不生荆棘相傳晉文公封蒲行駕於此

龍頭嶺

縣東三里

龍母洞

一名龍興洞縣北四十里居群山中泉冽而甘傍產五色花乳石內有風穴風起常如龍吼遇旱禱雨得其湫水即應明天啟四年知縣羅永新步禱三日大雨如澍人咸異之

東大河

縣東發源於本縣之分水嶺西流七十里遶城之南經隰州界過大寧入黃河 舊志云出趙城七佛峽非是

第一河

即東大河至縣南衆水皆匯故名世又傳重耳逃難渡此殺其漲而得濟曰第一者靈之也

東小河

發源於五鹿山之北南流七十餘里遶城東至南屏山下與第一河合流而西

南川河

發源於鄉寧之牛王廟北流八十餘里至縣東南與東大河合流而西

蒲峪川

發源於萬山中西南流二十餘里至夾村伏流至洛陽村再見又西南流二十餘里至城東與

東大河合流而西

飲馬池

縣東東神山下

南澗泉

縣東南一里三官祠前

古寶泉

縣北五里龍興寺前

聖水泉

縣南一里南屏山下

汗水泉

翠屏山半從石竇湧出人有疾禱之飲其水汗出即愈土人立像祀之號汗水祠

隱龍泉 縣東南八里侯家莊 按蒲之水皆係山溪遇積雨則暴漲其勢奔騰而不可遏數十年來洗蕩民田千有餘畝盡成砂礫且漸逼城根蒲雖山國實多水患也

蒲州

中條山

名山記在州東南十五里以其中狹而延袤不絕故名又以南北狹薄亦名薄山其陽跨芮城

平陸其陰跨解州安邑夏縣聞喜垣曲諸縣解州境有膽礮窟二處又有桃花元女二洞及峽口蒼龍等泉至夏縣境有洞石崖上書玉溪頭三字相傳司馬溫公嘗讀書於此水經注蒲坂縣有襄山又曰太史公封禪書稱華山以西各山七薄山有其一焉薄山即襄山也楊雄河東賦曰河靈攬踴掌華蹈襄注云襄山在潼關北十里括地志云河東縣雷首山一名薄山亦名蒲山亦名歷山亦名首陽山亦名襄山亦名甘棗山亦名渠豬山亦名獨頭山亦名吳山亦名中條山在陝州芮城縣北十里此山西起雷首東至吳坂凡十一名隨州縣分

之多在蒲州水經注云蒲山統各總稱又明都穆遊山記謂中條即禹貢雷首蓋非無據云

首陽山

名山記州南三十里一名雷首禹貢壺口雷首至於太岳與二華爭高峯巒巖峯又名方山殷

伯夷叔齊隱此歿葬山麓墓祠俱存唐李頎有詩水經注曰山臨大河北去蒲坂三十里尚書所謂壺口雷首

者俗亦謂之堯山又都穆以中條為雷首謂首陽乃首山之陽非雷首也其說與括地志亦合並載之

歷山

州東南三十里水經河水又南過蒲坂縣西注云郡南有歷山謂之歷觀舜所耕處也上有舜廟

玉簪山

州東南一百二十里永樂鎮純陽宮之側林泉茂美為郡中佳境

方山

州東南一百二十里永樂鎮純陽宮之後煙嵐葱鬱溪水滌洄

貓耳山

州東南一百二十里純陽上官道流愛其幽靜結茅以居焉

筆架山

在州南十五里中條之北數峯羅列拱對州城中高末下形如筆架

麻谷山 州南三十里數峯競秀群壑爭流逶迤盤鬱林巒蔽虧為中條之勝

八盤山 州南二十里中條之北八折至頂轉南即為歷

鳳凰山 州南七十里為中條盡處吳雯詩鳳嘴三春麥龍頭五月水鳳嘴即鳳凰山也龍頭即首陽山

九峯 州南六十里純陽宮之上其峯有九形勢秀拔道流名為玉椅

玉峯 州東一百里名山記為第五十一福地侯真人道華證果處

雲蓋峯 州東三十里中條之北壁立萬仞高入雲表

寶玉峯 州東南二十里山勢起伏形肖文筆一作抱榆峯或曰石晶瑩似玉以是得名

焦嶺 州東南六十里焦虛里故以地名嶺今嶺下焦氏為盛云

神嶺 州南歷山之東兩水夾注盤折峻拔如神龍然

棲巖 州南十五里中條山內有棲巖寺

谷口 州東南一十五里中條山陰之西麓

蒼龍谷 州東南一十五里中條山陰之中麓按名山記當作蒼龍舊志作蒼陵非是

大谷口 州東南一十五里中條山陰之東麓

曇延洞 州東南一十五里棲巖寺東即曇延講經處

玉洞 州東南一百二十里中條之陽

峨眉原 州南五里高十餘丈南北綿亘東西轉折跨臨晉猗氏之地按元王思誠詩云條山河水壯封

疆城外肩原百里長即此

舜原 城北二十里相傳為虞舜所生之地

青臺原 州北二十里

虞原 州南三十里歷山之東段干舊隱地

玉皇原 州東南一百二十里永樂鎮東何志淵恒臺記云左顧玉皇之原是也

土龜原 州古城外東南上有后土祠

書院坡 州東五里北穿峨眉原東通解州 按坡舊為嶽祠明給事呂公經為郡倅始更為河中書院

則知書院坡之稱非古也而舊志不載今仍其名云

瓦窰坡 州五里跨帶東原路入東鄉

普救坡 州東五里南臨深溝北帶古寺路通猗氏

白道坡 州東北五里上枕峩眉原路通臨晉

吉安坡 州東北十五里坡跨原上路入北鄉

蘓村坡 州東北二十里路通滎河

風陵坡 州南六十里黃河北岸南通潼關水經注曰關之直北隔河有層阜巍然獨秀孤峙河陽世謂

之風陵戴延之所謂風塹者也

獨頭坡 州南四十里乃雷首一丘突兀當路外臨大河內穿峻坂東接夷齊祠南達潼關水經注曰涑

水出河北縣雷首山縣北與蒲坂分山有夷齊廟闕駟十三州志曰山一名獨頭山夷齊所隱也山南有古塚

陵栢蔚然攢茂丘阜俗謂之夷齊墓其水西南流亦曰雷水穆天子傳曰壬戌天子至於雷首觴於雷首之阿

使孔牙受良馬於雷水之干是也昔趙盾田首山食祁彌明翳桑之下水西南流注於河左傳謂之涑川者也

俗謂之陽安澗水 按獨頭村在首陽山下俗又稱首陽為龍頭覺志說較優但謂墓在山南非是

放馬坡 州南歷山前昔有戎軍牧馬於此今其上猶號東草坪西草坪

黃河 蒲津門外禹導河積石至於龍門經河津榮河臨晉由州過則至於華陰由芮城平陸入河南明隆

慶四年河水泛漲隄岸溢入城西門及南北古城門州民大恐是年西徙萬曆八年復決東鬻斃石岸以障之

自後去城十餘里 國朝康熙三十四年東徙去城五里餘

五姓湖 州東三十里五姓村即古張澤亦名五姓灘按水經涑水又南過解縣東又西南注於張揚池

酈道元注張揚城即漢書所謂東張矣蘇林曰屬河東即斯城也涑水又西南屬於陂陂分為二城南向兩陂

左右澤渚東陂世謂之晉興澤東西二十五里南北八里西陂即張澤西北去蒲坂一十五里東西二十里南

北四五里冬夏積水亦時有盈耗也今湖去州三十里歷猗氏解州臨晉及州當是古今勢易時之變遷故也

永樂澗 州南一百二十里水經河水又東永樂澗水注之注云水北出於薄山南流經河北縣西故魏

國也晉獻公滅魏以封畢萬卜偃曰魏大名也萬後其昌乎後乃縣之在河之北故曰河北縣也今城南西二

面並去大河可二十餘里北去首山十許里處山河之間土地迫隘故魏風著十畝之詩也城內有龍泉南流

出城又南斷而不流永樂溪水又南入於河 按中山經即渠瀦之水也今澗在純陽舊宅東與山海經東則

渠瀦之水亦合舊志作玉泉澗以水經注謂河水又東北玉澗注之遂謂玉泉澗也其說如皇天原玉溪諸蹟

亦頗有可信永樂東有玉皇原又李商隱寓永樂自稱玉溪生疑玉皇原即皇天原永樂澗即玉溪也但水經

注皇天原上有武帝思子臺又北逕閭鄉城西地似河以南或酈道元未至其地考據未詳耶或商隱以望中

見玉溪遂自號此而沿習至茲時皆以為玉溪耶今但仍水經書永樂澗為不失實云

寒谷澗 在永樂純陽舊宅西疑即山海經所云共水

神龍潭 州東南十五里太谷村澄光可鑑

玉龍潭 州東南十五里贊歎寺下吳雯詩云下方昨夜雨雲氣滿龍潭即此

泓龍潭 州東四十里地名孫李龍祥觀後有記

水谷潭 州東南二十五里水谷村有瀑布飛掛可觀

顯應潭 城內西南隅今湮

雷澤 州西南首陽山下即舜所漁處其水南流入河

通濟溝 州南十里鐵爐舖前

大陽溝 州南七十里大楊村

澗口溝 州南七十里地名基城與大陽溝通連

諸老溝 州南一百里觀後

柳溝 州南十五里棲巖寺東今按地在寺東南石門側

鴉兒溝 州東五里峩眉原潦水聚蓄遂成深溝兩崖多穴寒鴉因名

鑄嘴溝 州東北四十里西下村

大凹西溝 州南六十里歷山舜祠之側古祭地在焉

老陳溝 州南六十里中條山昔有陳姓者牧馬其中故名之

古北灘 州北一里黃河退水地出沒不常中多軍民田莊歲久瀉鹵荒閒居半

竹溪 州東十里石莊旁有竹溪寺今湮

媯汭泉 州東南五十里歷山之中爾雅云水北曰汭亦小水入大水之名蓋兩水合流之內故從水從

內皇甫謐曰納二女於媯水之汭據此則汭非水名又云泉南流曰媯北流曰汭異泉而合流也尚書釐降二

女子媯汭卽此上有舜廟周宇文護建

顯明泉 州南十七里歷山村東

桑落泉 水經注曰河東有徙民劉墮者宿擅工釀採挹

故酒得名香醕之色清白若滌漿焉別調氛氳不與他

同蘭薰麝越自成馨逸方土之貢選最佳酌矣自王公

庶友牽拂相招者每云索郎有顧思同旅語索郎反語

為桑落也後國史補河中桑落坊有井每至桑落時取

其寒暄得所以井水釀酒甚佳故庾信從蒲州刺史乞

酒詩蒲城桑葉落灞岸菊花秋謂此也按當時河水在

州城西今桑落泉在古城外東南隅土龜原后土祠下

相距纔五里挹河為釀固其宜也泉之得名實應以此

蒼陵泉 州東南十五里王莊卽谷口水源

大谷口泉 州東南二十五里大谷口水源

柳溝泉 州東南十五里棲巖寺東

大黃泉 州東南十五里中條山北麓

觀音泉 州東南十五里鹿谷上有白石寺遙望壁聖皓

梨花泉 然俗名觀音堂 州東南十五里條山大谷之中

龍母泉 州東南十五里條山大谷之中

飲馬泉 州南五十里胡營

臨山泉 州南六十里中莊

玉洞泉 州南一百里觀後

寒谷泉 州南一百里亦在觀後

鴛漿泉

州東五十里水經注云鹽道山其西則石壁千尋東則磻谿萬仞方嶺雲迴奇峯霞舉孤標秀

出罩絡群山之表翠栢蔭峯清泉灌頂郭景純云世所謂鴛漿也發於上而潛於下矣厥頂方平有良藥是以

緇服思豆之士鹿裘念一之夫代往遊焉路出北巘勢多懸絕來去者咸援蘿騰峯尋葛降深於東則連木乃

陟百梯方降巖側縻鎖之跡仍今存焉故亦曰百梯山今臨晉南山下有百梯村又山腰寺亦名百梯皆距州

五十許里按注百梯在鴛漿東與舊志距州五十里之說亦符山介在州與臨晉之間故兩處皆志但謂草

坪山則謬矣考中山經薄山之首曰甘棗之山其水出焉西流注於河又東二十里曰歷兒之山又東十五

里曰渠猪之山渠猪之水出焉南流注於河又東三十里曰葱嶺之山水經注河東郡有歷山謂之歷觀舜

所耕處媯汭二水出焉西流入於河又云河水又東永樂澗水注之酈道元注即渠猪之水也然則甘棗歷山

渠猪皆在蒲州境內審矣芮城志甘棗山在縣東北三十里今名刺林溝其水源出甘棗山即今朱呂溝水

也據此則甘棗其水又在芮城境內常以括地圖通計蒲芮百里之間所謂西起雷首東至吳坂隨州縣分之

統名蒲山者誠為通論且芮昔屬蒲與永樂為鄰芮之有皆蒲之有考古者不以文害辭斯稱善言地理者矣

臨晉縣

中條山

縣南六十里西自蒲州之草頭坪東至解州之紅臉溝靜林寺凡四十里皆縣境內其他可見

者悉支山也見蒲州

方山

中條山東一名檀道山山海經云檀首山水經注云鹽道山亦名百梯山其頂方平故又名方山與

縣治對峇堯插漢為中條之首五老峯亦俯其下上方田數畝泉流涓滴草木蓊鬱舊有靈峯寺唐宋金元

為永樂虞鄉兩縣勝地號大叢林自宋廢永樂元廢虞鄉城郭人民繁華頓改琳宮緝宇香火婁其迄於今頽

垣斷礎劫盡灰飛而山靈寂其無聞矣

五老山 縣西南七十里虞鄉城西南十里方山之東其南最高曰玉峯一名靈峯洞天福地記五十二福地玉峯在河中府謂此山也峭壁千尋危磴削立鐵索下垂攀引而上好事者往往發興登臨如入仙境按論語識云堯率舜遊首山觀河渚有五老人自河負圖而出歌而告帝之期歌畢同登此山飛為流星上入昂山名五老以此或謂五老為五行之精今豫章匡廬山亦有五老峯晉張僧鑒潯陽記云橫隱藏空其形勢如河中虞鄉縣五老山則此山五老之名先於匡廬久矣

北斗峯 在靈峯觀上北斗臺

雷公洞 五老山上上洞在歸雲巖下洞在北峯

錦屏峯 五老山上有東西二峯

張果洞 五老山錦屏峯之陰洞之東西石上有所乘白驢行迹宛然

韓峯 五老山靈峯觀南一名韓角峯即韓君丈人隱處峯東南有韓君洞

真人洞 五老山羅通微隱處

步虛坪 太乙峯南乃羅真人步虛絕粒之處

棄瓢巖 五老山諸洞之陽嵩山羽士李皮囊棄酒瓢以奠山靈處一號皮囊洞又有青城太乙蒼龍太白王母白沙元武保德諸洞

玉真洞 五老山棄瓢巖旁有龍井旱禱輒應唐明皇勅玉真公主投金龍其中又有鹿飲金龜金沙玉

女諸泉俱出其麓

王官谷 縣南七十里中條山中去虞鄉城東南十里以王官廢壘為名春秋秦代晉取王官及郊左傳

呂相絕秦書曰入我河曲俘我王官是也巖壑深邃泉谷幽奇有天柱掛鶴諸峯瀑布貽溪諸水山水之勝甲

於河東唐司空圖常隱居於此建休休亭自為記又有石硯竹逕修史亭一鳴窻諸勝

天柱峯 王官谷南瀑布經其西

白雲洞 王官谷內元孤雲子李純夫所居構了了菴以擬休休亭者

二疑山 縣東北三十五里南北錯峙隋志桑泉縣有三疑山今土人止稱大疑小疑焉

蛾眉原 縣北五里以形似名東自聞喜之嶺口迤邐連夏縣猗氏本縣之境西抵黃河

黃河 縣西三十里北自河津龍門南經榮河繞本縣之右至蒲州西南風陵渡折而東流春秋僖公十三年冬晉薦飢乞糶於秦秦於是輸粟於晉自雍及絳相繼命之曰汎舟之役即此河也

涑水河 縣東南二十里源出絳縣太陰山陳村峪伏流至柳莊復出歷東鄉喬寺等村至周陽侯城與

洮水合至呂莊與景水合又西與沙渠水合按景水沙渠會為一水俱自呂莊入涑水又水經注出河東聞喜

縣東山黍葭谷注涑水所出俗謂之華谷至周陽與姚水合西流經聞喜南經夏縣界至三十里水頭鎮即司

馬溫公所居地又西至安邑縣北二十里經猗氏縣境入本縣故道白坑頭鎮西南合姚暹渠水入五姓湖明

弘治十六年御史曾大有以姚渠首中太狹涑水攔入為塩池害䟽請濬河八十里自猗氏崔家灣開引稍西

經智光水頭觀底胥村城子埽勃落頭諸村直入五姓湖達孟明橋入黃河

姚暹渠 縣南五十里舊名永豐渠水出夏縣東巫咸谷西流經安邑縣下畱村苦池水入之又自安邑

城北西流六十里經解州北境至本縣南西流入五姓湖隋大業中都水監姚暹所開故以名渠

五姓湖 縣西南四十里村有五姓因各即古張揚池為涑水姚暹經流所注之地舊志云每夏荷花盡

發爛若披錦雜以綠蒲紅蓼足稱佳勝而鳧鷖群遊鱗鱗並育罟舟釣艇出没其間誠一邑奇觀也今徒見湖

光一片而已後魏地形志河東郡北解縣有張揚城括地志張揚故城一名東張城在蒲州虞鄉縣西北四

平陽府志 卷之五 山川

十里今以目前地勢揆之東起鴨子池西連湖尾更西接孟明橋東西六十里一帶水鄉所謂晉與張澤者在焉第世代滋久滄桑變更東西兩陂離合非舊卽張揚故城莫有能舉其名者要以括地志叅之水經注自不可誣也

桑泉

縣東北十五里左傳秦伯圍令狐入桑泉今帶村里北杜村是其地土人呼泉兒杜村泉久湮無跡康熙十二年知縣潘士瑞鳩徒掘尋於東北溝得其泉焉欲疏鑿西行資民汲溉尋以罷官中止後遂無過而問者按舊志謂桑泉卽桑落泉並引劉墮釀酒事誤也

鴛漿泉

在方山頂上泉久湮塞故老言水深無底有神物宅其下與湖潛通往往浮出敗荷殘紅皆湖中物也每泉上吐氣則大雨時見白魚騰躍而上相傳爲異明隆慶間霪雨浸鹽池或言方山白龍爲祟御史邵永春爲文以祭又沉鐵牌磔黑犬以厭之尋以鐵甕塞其口是夜大雷雨折山頂塔寺僧云龍移湫去今半

塔突立遇將雨輒聞泉下隱隱水聲云

按蒲州舊志

鴛漿泉在草坪山張文毅公四維勒詩其上以山頂

泉爲據其言似誤夫山海水經本謂鴛漿在檀道山一

則曰有水潛出一則曰發於上而潛於下蓋山澤通氣

上爲泉源下爲澤渚理固然也必如方山所云可以當

之今草坪下瞰湖尾高深錯互難云潛通又所謂玄泉

者僅如今之滿井迄無他異且檀道之高與二華爭雄

其曰石壁千尋磻溪萬仞卽今之青石掌洪流崖也方

嶺雲廻厥頂方平此方山之因名也緇服鹿裘之遊謂

靈峯刹院也連木乃陟百梯方降今之百梯村其遺名

也惜乎文毅之履至草坪而止使方山之英鴛漿之靈

不得借鴻筆而發幽沉真山川之不幸哉若一統志云

檀道山在解州南五里中有盃漿泉此耳食之誤不足

置辨

瀑布泉

王官谷內天柱峯旁東西二瀑西者尤奇勝方尺如白虹倒掛至春夏汛溢飛湍直下望之若練水所注處石皆成穴噴珠濺玉夏月遊人數十步外寒氣逼

人誠奇觀也東瀑崖稍曲湍亦差緩崖上蒼苔匝生歲久皆玲瓏爲石如羊腩狀二瀑經休休亭前合流出谷靈泉亦出條山觀嶺下世傳李皮囊隱此時夏月山久涸獨坐忽聞人言有頃半溪亂石間隱隱雷鳴泉水奔流比常特異

蘆子泉 縣捨峯西北舊志唐中宗時則天后因術士言爲泉 虞鄉有王氣遂斷龜背岡蘆根出血而止化而

洗馬泉 出洗馬村南世傳晉太子病肝秦使扁鵲來視之太子洗馬於泉北有扁鵲祠

漢泉 縣西三十里吳王渡黃河岸側一統志云其泉有五郟陽有四此有其一異出同源故曰漢里人因立神淵廟 今吳王渡漢泉一處而在郟陽者則爲王村爲鯉爲東鯉爲渤池爲夏陽凡五處世代沿遠滄桑變更不盡如昔人所言理固有之惟是一統志於郟陽之漢則又曰其水有三一在臨晉一在同州一在郟陽

其說矛盾誠不可曉

榮河縣

峩眉坡 城東高四里北連閩喜南貫臨晉形似峩眉上多平原頗宜種植村落錯居阡陌相望山南諸

坡分名曰亞夫俗傳亞夫屯軍其地然無所考曰畚底去城十里通臨晉運城之路曰高村再南爲白馬廟爲師家崖山北諸坡分名曰寺坡曰風坡曰倉李曰長坡再北爲后土廟爲孫石崖皆峨嵋一帶或起或伏或大或小形勢相倚聯絡如珠唯后土白馬所立二阜左右相爲拱抱坡內大溝曰百峪小溝無筭焉

靈吉山 縣東南峩眉坡上一峯獨出爲縣文星

黃河 縣西逼城其流自龍門而下入蒲州水經注曰昔趙簡子沈欒激於此

汾河 縣北后土祠旁西流於黃河今移河津蒭蘆灘南入於黃河

漢魁泉 南趙村沁澤方丈知縣侯祁相地脉掘得之
按其深無限名之曰漢馮翊邵陽縣復有漢亦如之相

出其數里而夾河河中渚上又有一漢漢源皆潛通在汾
陰者人壅其流以為陂種稻呼其本出處為漢魁水經

注漢水出汾陰縣南四十里西去河三里平地開源瀆
泉上湧與邵陽漢夾河中渚上又有一漢源皆相通其

水西南流歷蒲坂西西流注於河

猗氏縣

峩峩坡 縣北門外東連聞喜西入蒲坂綿亘蜿蜒至縣
北一支如掌南行遂結縣治

千佛嶺 縣南八里相傳古浮屠基故名厝自聞喜香山
來至縣西香落村止涑水西流過源頭村將南

逝嶺隆 起逼岸捍之蓋縣治前案也

鳴條岡 縣南三十里自安邑來軀幹委蛇分條布葉綠
繞縣南蓋縣治外羅也東望鬱蒼舜陵在焉

涑水河 縣南六里合姚暹渠入五姓湖

黑龍潭 縣西南二十里廣半畝深丈許居民遇旱禱雨
輒應

文波泉 縣東北仁壽寺右一泓澄澈自城東遶縣南入
涑水時溢縣多科第故名明嘉靖乙卯地震圯

闕久未濬舊名文運泉

澤泉 縣南門外地故偃豬浸泉成澤四時不涸明萬曆
間坡水大至澱澤壅塞泉遂湮

雙壁泉 縣西北五里靈巖寺後明萬曆間二泉湧出南
流五十餘步後每泉出則邑中父子中進士

萬泉縣

介山 縣東十五里亦曰綿山相傳為介子推隱處水經
注曰山可高十餘里上有神廟廟側有靈泉祈祭

之日周而不耗世亦謂之子推祠楊雄河東賦曰靈輿
安步周流容與以覽於介山嗟文公而愍推兮勤大禹

於龍門晉太康記及地道記與永初記並言子推之逃
隱於是山其實非也介推所隱綿山文公環而封之因
號其山為介山杜預曰在河西介休縣者是也今隸靈
石界內

黑石山 縣東南二十五里其石色青黑剛柔適中可為
碑碣

孤山 縣南二里周圍盤踞八十餘里高十五里形勢獨
尊不接他山上有法雲檻泉寺其南即猗氏境又
山勢綿延亦號綿山

稷王山 縣東三十里相傳稷教民稼穡播種於此山巔
有后稷廟

峩眉嶺 東起絳州西抵黃河地勢聳翠狀如峩眉邑境
隸其巔

桃花洞 孤山南麓前代於洞旁種桃甚多前有巨石高
丈餘相傳劉海蟾昇騰處

鷓石崖 孤山南峪有鷓常巢育於上

惠民池 縣崇德坊西街北明典史王懋創鑿蓄水以便
民有坊曰王公惠民坊今圯

東澗 縣東門外孤山北壑隨地湧泉北流六里許入沙

西澗 縣西門外北流三里許入沙

煖泉 孤山陰秦王寨右數穴湧出隆冬不凍東澗之流
此水居半明萬曆間知縣王蓋臣鑄日和豐泉

檻泉 孤山西麓泉旁有寺初建寺無水有白兔入穴掘
而得水又名兔泉

聖水泉 孤山之陽旱不竭潦則流

鷓石泉 孤山南峪鷓石崖下南流與聖水合

半截桶泉 孤山陰黃家峪泉如桶形水止不流

河津縣

龍門山

縣西北二十五里與陝西韓城梁山並峙大禹所鑿又名禹門夏書曰導河積石至於龍門是

也河自西北山峽中來至是山斷河出兩崖壁立形如門關東西濶八十步而奔濤巨浪日夕衝激為天下奇觀巖際鐫迹遺功尚存上建禹廟有殿閣亭觀碑咏廟前石碑三所二碑文字紊滅不可復識一碑是太和中立山頂有洞相傳文中子讀書處又沙洲之上有禹穴高不過咫尺雖千尋之波不能侵一抔按禹穴記稱禹治水得黃帝水經於穴中按而行之蓋亦有神助焉然於經無取又見古跡

梁山

縣北三十里龍門山北詩云奕奕梁山左傳曰梁山晉望水經注曰昔大禹導河積石疏决梁山今

河西對峙者亦名梁山屬韓城似禹未治水之先東西梁山合而為一故尸子曰龍門未鑿伊闕未闢河出於孟門之上也又春秋時河西屬晉故統言晉望今在韓城者稱梁山在河津者稱紫金山

姑射山

縣東北三十里接稷山絳州界

黃頰山

縣東北四十里唐王勣有詩刻石尚存

雙峯山

縣北四十里兩峯並峙

䟽屬山

文中子歸隱處枕汾水或曰臨河者非

雲中山

縣西北三十五里高聳雲漢故名

峩嵒嶺

縣南即汾原與萬泉榮河連境一統志所謂東至太行西入於黃河者是也

黃河

縣西十五里河自積石西南流入塞數轉折東流過雲中西河又南流過吉州至龍門山出西南入

榮河境

汾河

縣南八里東自稷山界來西南流至榮河汾陰后土祠下入於河明隆慶四年東徙至胡盧灘入河

遮馬峪泉

縣東北四十里一原坡下

瓜峪泉 縣東北四十里水母廟下 按二泉俱唐長孫
恕開鑿詳水利

解州

中條山 州南五里西起蒲州東接太行南跨州之平陸
芮城北跨州之安邑夏縣聞喜

檀道山 州南五里與中條連接其下為檀道谷谷中有
盤漿泉不流而止俗呼止渴泉其東有膽礬窟

路通河南靈寶縣寶津渡

紫金山 州北二十里舊產人參

峩嵎坡 州東五里鹽池北岸

逍遙坡 州西北二里女鹽池北岸

白徑嶺 州南十五里中條山上雙石壁立左右參天間
不容軌名曰石門路通陝州大陽津渡水經注

曰鹽澤南面層山天巖雲秀池谷泉深左右壁立間不
容軌謂之石門路出其中名之白徑南通上陽北暨鹽
池卽此也

分雲嶺 州東南三十里中條最高處嶺巔出雲東西分
布世傳尸鹽澤者也山頂舊有分雲祠

橫嶺 州西南三十里卽中條山脊與芮城分界其下為
方張溝又東為堡子谷又東為仙女洞亦名巫女
洞其中積水成潭又名黑龍潭旱禱輒應

噴雪巖 州南四里東岫有巖巖水噴出潔白如雪上有
酒島字

桃花洞 州西南七里昔人見洞旁泛桃花因名洞東三
里為白龍谷東上八里為直岔嶺少東為荻子
谷又少東為五龍谷在州南五里

大虎谷 仙女洞東十里谷中有將軍堡堡後有鳳凰嘴
西過連雲棧至橫嶺有陽關寨寨後亦有膽礬

窟

解鹽池 州東二里中條山麓詳見鹽法

女鹽池 州西北三里詳見鹽法

六小池 州西北十五里詳見鹽法

長樂灘 鹽池北七里峩嵎坡陰周圍二十餘里亦生魚

靜林澗 六小池西南十五里源出中條山頂北流經紅臉溝餘流入臨晉洫水灘

張公泉 靜林澗東三里在山谷中遇旱以數十老婦執箕帚禱於廟劇其泉輒得雨

胡村澗 張公泉東五里源出中條山陰又東五里為桃花澗水出中條山頂又東二里為小水澗出白

龍峪又東一里為菝子峪水皆北流入女鹽池

大水澗 白龍峪東三里出五龍谷噴雪巖之南十餘里北流至城南遶城而西會小水澗入女鹽池

堡子谷水 大水澗東二里源出中條山北流入鹽池南溝

金盆水 出中條山趨鹽池南溝其東為關帝祖塋亦名小聖溝又其東有小龍五澗水二郎三郎谷諸

水皆出中條山陰北流

姚暹渠水 州北十五里見臨晉

安邑縣

中條山 縣南二十里說者謂西華岳東太行此山當其中故云中條山海經為中經條谷之山一名蒼

梧山山產梧桐蒼玉竹書曰鳴條有蒼梧山舜崩蒼梧即此

玉鈞山 縣東北十五里峭峯環曲草木菁葱形如玉鈞

栢王山

縣東北六十里山多古栢幽雅可人

峩嵒嶺

縣北四十五里上多平壤有民居焉

分雲嶺

中條最高處與解州接界宋宣和間有成寶公廟今廢

鳴條岡

縣北三十里東西帶映勢若游龍有舜陵孟子謂舜卒於鳴條即此

天井谷

風洞上四面陡絕一徑透出山頂

車輞谷

分雲嶺東兩山夾路盤礴多奇邑民文進捐資修治今為坦途

二郎谷

車輞谷東山有仙跡中多巖竇古洞

風谷洞

縣南二十里分雲嶺西形若半井投葉即飛其風出則飛沙拔木

鹽風洞

風谷洞旁洞口若盆仲夏應候風出聲隆隆然谷口舊有風神祠今廢

虞坂

二即谷東五里南北孔道石崖險峻車不方軌今名青石槽即晉荀息假道於虞以代驢伯樂逢騏驎困鹽車處明巡鹽御史張士隆開修

涑水河

縣北三十五里入猗氏唐貞觀中刺史薛萬所開

黑龍潭

縣東南十五里與鹽池相隣深不可測瀦水黑色唐開元間常於此置龍宮

鹽池

條山之陰即解鹽池周穆王漢章帝並幸安邑而觀鹽池

青石泉

縣東南三十里出中條山由青石槽經東郭入黑龍潭

車輞泉

縣南二十里出中條山車輞谷中

湧金泉

縣東南十餘里源出夏縣墻下村入黑龍潭

玉鈎泉

玉鈎山下水光澄澈如鏡一名玉女泉南入姚暹渠

野狐泉

縣西南十八里鹽池北岸味甚甘冽亭榭佳麗一方勝概

淡泉

縣西南十六里鹽池北岸池水皆鹹此獨淡

夏縣

中條山

縣東五里見蒲州

礎山

縣西北七十里石礎里即稷神山之麓

稷王山

縣西七十里下有村名蛇虎澗相傳姜嫄棄稷於此虎乳之因名

鳳凰山

縣東北四十里有峯秀異世傳鳳凰曾集於此

瑤臺山

縣東五里高一里許一名巫咸山商相巫咸巫賢祠墓在山麓天聖宮在巫相祠右孤峯峭拔

蒼翠摩地中秋

尤盛知縣胡栴建塔於山巔以補邑之文峯

栢塔山

縣南二十里古栢千株上聳無枝狀似虺蛇中一栢琦瑰磊落獨大於衆曰栢母搖之則地皆

動有欲傾之狀亦奇觀也

雲谷山

縣東南三十里數峯高聳盤踞數十里中有大谷谷中雲起則雨

翠巖山

縣東二十餘里一望青翠綿亘數十里北入聞喜界

鳴條岡

縣西二十里北連聞喜南接安邑今名義嶺嶺即湯與桀戰之地

柳谷

縣南十五里中條山內唐陽城隱處

巫谷

瑤臺之左白沙河所出

雷公洞

瑤臺山石巖萬栢林中

風洞

栢塔山後崑中有竅深不可測風自竅中出有聲知縣姜洪命工鑿大其竅遂無風聲

玉溪洞 縣東南七里中條山谷間洞深一丈五尺濶一丈俯瞰溪流清淨可愛石巖鑿玉溪二字温公常讀書於此通谷村觀音寺後亦有洞塑公像

礦洞 縣東百里温谷里温泉山明嘉靖中一道士寓此識為銀礦私採煉以自給後漸聞於人河南盧氏

諸縣礦徒因來却取殺人巡鹽御史王竹厓聞於朝隨檄河東守巡僉派民兵藥箭手以禦之芻餉取辦於邑

人加派三千餘兩為一邑鉅害甲子歲移平陽府同知李賜谷駐夏以鎮之萬曆十四年夏歲荒河南亡命二

千餘人越河盜砂知縣員惟蔡申請調撥官兵迎戰指揮李材被賊綁縛主簿王寵向前陳以利害賊徒驚服

扶李材還營復調指揮李世廕等率兵捕討賊始解散後每冬三月添設平陽衛軍兵八百名防護歲以為常

萬曆二十五年差太監張忠駐夏開採至三十三年礦盜益熾乃停採封洞撤回張忠而軍兵防護如故知縣胡柟申請撤兵令省祭官統藥箭手代之民困始蘓焉

古石碑 一名將軍嶺即雲谷山之北一峯也嵯峨礫石難以名狀登此層巒疊嶂嵯峨海洪河舉在目中

上有石洞洞中泉水瀦而復流澄澈可愛

涑水 縣西三十里世稱司馬温公曰涑水先生以此

青龍河 縣北三十里形勢盤曲如龍會橫洛渠

白沙河 一名巫咸河源發中條山巫咸谷經邑南關外西流三十餘里南轉入姚暹渠每夏水驟漲衝

决北堤飄沒民居無筭明知縣柳佐高奎程登龍屢行修濬崇禎六年南堤衝决石壓民田永難開墾

國朝順治十年北堤復决水入東門城隍廟縣衙俱被浸没至今河勢流徙無常大為民害

蓮花池 二一在城中西北隅環一頃八十畝一在城東北隅視西池頗小水之有無皆不常值有水時

蓮生其中近池民居易被浸毀常穿城西北隅安鐵窻以殺水勢

湧金泉 縣西南十五里西入安邑黑龍潭鹽池得此水始結鹽

李綽堰水 在縣南源出平陸至本縣巫谷口而出北流合本縣史家谷雕崖溝等水至卓義橋會為

湖 一西轉三里名為姚暹渠下流南轉會巫咸河至五姓

聞喜縣

中條山 縣南六十里西界夏縣東界垣曲在邑境者廣表皆四十餘里物產頗多雲興則為雨候晴則

望之如翠屏餘詳蒲州

湯山 縣東南四十里為中條最高峯上有湯廟湫池禱雨多應俗呼為湯王山又名湯寨

景山 隋地理志聞喜有景山與三嶷山皆中條支山水經曰景山南望鹽販之澤北望少澤其草多藟秦椒

其陰多楮其陽多玉郭景純曰鹽販之澤即今解鹽池

也按經不言有水今有水焉西北流注於涑水也少澤今無考通志云景山即湯山

紫金山 縣東七十里接曲沃絳縣界為邑來龍

三嶷山 司馬長卿上林賦云凌三嶷之危郭璞三蒼注曰三嶷山在聞喜今縣東五十里有焦山高與

湯寨等為邑巨鎮三嶷之危或此

鷄鳴山 裴氏家譜鳳凰原墳地西至鷄鳴山

香山 縣東南三里上有白衣殿文昌祠裴晉公祠三塔鼎峙為邑文峯又前丘村嶺一塔名文筆峯

紫屏山 縣東四十里姚村後山列如屏其色紫因名俗稱六老峯

稷王山 縣西北五十里與稷山縣接界后稷始播百穀於此陵廟在焉稷山主之姜嫄墓廟聞喜主之

左傳晉侯治兵於稷杜預註在今聞喜縣

栢林山 縣西三十里栢林村後石岩蒼翠下為疊水崖再入為蒙峪蓮葦清幽

觀音山 縣南九十里劉莊冶一峯突出下細上巨玲瓏垂懸類觀音座後山其下有洞洞前巨石形似蟾蜍昂首朝之

天皇頂 縣北十五里自五龍廟一線過峽突起圓頂高出衆巒之上為邑少祖山又俗名天王臺下即

大石窰 取石致傷龍脉明崇禎間知縣劉芳久禁閉

蠶姑峯 湯山西尖秀為邑文峯上有蠶姑塔

瑤光峯 縣南四十里宋家莊後俗名城隍寺上有塔尖秀與夏縣瑤臺相望

峨嵋嶺 從紫金山發脉兀突延袤自東而北而西上為清原晉城在焉四圍丘隴中為平原其廣五十

餘里土厚宜藝五穀北瞰絳州西接稷山南臨安邑勢如初月彎弓然

秦王嶺 湯山東相傳唐太宗屯兵處樵者往往得銅箭鏃甚巨

盤盤嶺 亦名盤盤山縣南五十里秦王嶺東以盤旋而上故名

橫嶺 亦名橫山縣東南九十里接垣曲界山脊橫亘下有三泉出白石俗名白石河

呂巖 縣西二十里呂莊東澗石巖清泉極類醉翁亭

鳳凰原 縣東六十里為裴氏祖塋

鐵牛峪 縣南三十里泉石幽絕中有興國寺唐僧智旻住錫處相傳山有鐵牛流河中因名

乾河 縣東四十里史記伐韓到乾河山海經曰教山教水出焉是水冬乾夏流實惟乾河註聞喜縣北有

乾河 因名乾河里今無里名按水經河水又東與教水合注云出垣縣北教山然教山當在聞喜絳縣垣曲之

界註又云歷鼓鐘川分為二一水西北出一百六十許里山岫廻阻纔通馬步今聞喜縣東北谷口猶有乾河

里故溝存焉一水歷冶官西合伏流水自垣縣南入河文翔鳳曰聞喜教山教水之區謂此也

涑水 源出絳縣大陰山陳村峪伏流至柳莊復出與洮水景水沙渠水會為一西流經縣南門外灣曲而

西歷夏縣安邑猗氏臨晉入五姓湖過蒲州孟盟橋入黃河智伯曰絳水可以灌安邑水經注曰汾水灌平陽

或亦有之絳水灌安邑未識所由也今考其勢當謂此水以源於絳亦稱絳水也翟鳳翥曰涑者水生練也謂

水之文也東也諸水至此合也聞喜故曲沃地曲曲也沃沃也水繞縣東南十數曲曲多沃壤晉饒強邑故名

曲沃 縣東六十里水經注曰水源東出清野山世人以謂清襄山也其水東大嶺下西流出謂之哈口又

洮水 曰涑水至周陽與洮水合子產對晉平公曰臺駘汾洮之神也司馬彪曰洮水出聞喜縣故王莽以縣為洮亭

然則涑水殆亦洮之兼稱乎按此自橫水來者涑水自磨里來者洮水也合而為一所以涑水有洮水之稱也

沙渠水 源出縣東南五十里白石村會南山諸水灌田十餘村至呂莊與涑水合見水經注即景水

董泊 縣東四十里即舜時董父豢龍所也又名豢龍池宜植蓮稻舊有觀蓮亭上為董父廟裴晉公湖園

趙忠簡公董澤書院皆在焉 國朝康熙癸卯蓮有一莖四並頭之異水經注曰涑水西逕董澤陂南即古池

也東西四里南北三里春秋文公六年蒐於董澤即斯澤也

秦王澗 縣南四十里美陽川相傳秦王與敬德叔寶三跳處

勝水溝 縣南四十里栢樊底水出崖間附草而下亂滴澗中如百鈴聲沿溪而上即郭璞洞

甘泉 縣東北三十里東鎮北黑龍溝味甘昔縣鎮皆受名焉南入涑水隋移縣治於甘谷即此上有黑龍

廟禱雨多應見水利

暖泉 縣東南三十里王村水冬暖宜稻

易府志 山川

溫泉 縣東四十里官莊村又胡村水相隣皆冬温即泊泉

冷泉 縣東四十五里胡村西水夏冷

黃蘆泉 縣東五十里黃蘆莊以地產黃蘆得名見水利

野狐泉 縣北二十里深谷中相傳有狐避射至此入穴泉出南流合戶頭杜村二泉舊志李汝寬曰乃

白土溝之上游北枕高阜下臨巨壑石崖壁立如虎岬

又如牛伏石上古栢數十株拳曲龍鍾不可形狀下有石如盆泉湧如螺上有雲泉觀壑底可藏萬馬水口不容一舟觀前有蓮池榴亭邑之勝景也見水利

馬跑泉 縣美陽鄉世傳秦王飲馬於此按舊府志霍州亦有焉二處皆太宗經戰地事或有之

玉蓮泉 縣東二十五里川口南澗舊有蓮池上為白蓮寺

姚村泉 縣南三十里姚村見水利

瀑布 縣西三十里栢林村後俗名疊水崖水自山峽中三疊而下

平陸縣

中條山 縣北四十五里壯麗崔巍勢雄嵩華一邑形勝此其大者詳蒲州

分雲山 縣西北四十里中條之一峯也層巒峻岫走霧分雲視諸山獨為嶽嶽尋幽眺遠或有取焉但

路絕羊腸不易升也

清涼山 縣東北六十里乃中條一脉晉執虞公於此其絕頂曠濶四望無際俗謂四州圪塔蓋蒲解絳

陝皆可目及也

箕山 縣東九十里盤折危聳形勢如箕相傳堯時許由隱此有墓在焉太史公曰余登箕山其上蓋有許

由塚云下有清澗即由洗耳處東有白玉窳號錫窟按一統志北直行唐縣河南登封縣俱有箕山

吳山 縣北五里中條山之支其山高平上皆民田南麓有吳泰伯廟蓋虞仲封此並祀泰伯故以吳稱焉

錐子山 縣東九十里孤峯峻峙其狀如錐

三門山 縣東五十里黃河中水經云禹鑿河道三門既決謂之三門史記正義曰禹鑿此山三道河水

故曰三門也綱目山有三門禹鑿以通南曰鬼門中曰神門北曰人門故謂之三門集津前提學副使陳棐遊

此以為勝覽因大書題其壁曰宇內大觀九年底績萬世永賴千尋丹碧萬古風雷諸題咏見藝文

砥柱峯 在三門東迤南黃河中流孤峯峭立斷壁巉嶮高數仞石形如柱故名禹貢東至於砥柱即此

也孔安國曰砥柱山河水分流包山而過石見水中若柱然也通志載搜神記古台子事殊無取焉

橫嶺 縣北四十五里中條之脊西通解州東達夏縣南北自縣至運司一百里各車輞峪舊行鹽車今徑

險仄不可行較青石槽稍近

傅巖 縣東二十五里地名隱賢社即傳說版築處蒼巖翠嶺曲折廻巒聖人之居自不同也唐呂溫有銘

黃河 南門外又東北古焦國側水勢激湍水經注曰河水湧起方數十丈有物居水中父老云銅翁仲所

投處又云石虎載經於此沉沒二物並存水所以湧

三汭澗 縣北五里中條山東西二溝流與澗合故名

沙澗 縣東二十里傅巖前水經注曰沙澗水出虞山東南逕傅巖歷傳說隱室前俗名之為聖人窟孔安

國傳說隱於虞虢之間即此處也

聖人澗 縣東二十里其源至馬跑泉湧出夾岸石嵌二泉相向合流旋遶傅岩南入於河有傳說祠

盤南澗 縣東十里源出中條山由石槽溝南下至盤南東入於河

馬頭澗 縣北四十五里中條山麓其地危峯聳立兩谷二源環麓合流以出形肖像因名

五股泉

縣北一里許其水寒冽夏月人多賴之

清澗

縣東六十里箕山之西卽巢由洗耳處

張谷澗

縣西二十里張峪村東

圪塔澗

縣西二十五里圪塔村東

南侯澗

縣西四十里南侯村東

儀家溝

縣西五十里岳村右

芮城縣

中條山

縣北十五里高二十里見蒲州

甘棗山

縣東北三十五里今名刺林溝

方山

縣西北三十里峯巒高峻可與二華爭雄

太峯

在方山東

百二十盤

縣北山之陰石磴盤旋而下故云其徑北達臨晉卽唐司空圖所隱王官谷也

直岔嶺

縣東北六十里甘棗山東今名橫嶺中條山巔路通南北孔道但徑險人稀盜時竊發行人苦

之國朝順治十八年知縣王自修申請撥兵防守過客恃以無恐焉

壇道嶺

直岔嶺東 以上皆中條山之分名也

水谷

縣西北二十五里爲八景之一

石鐘洞

縣東北三十里石鐘真人修鍊之所頂懸一石如鐘水注其下旱禱雨多應

青龍洞

縣北山中內有泉亦名青龍泉遇旱禱雨處

黃河

縣南二十里自蒲州南下至潼關東折過縣境入平陸經砥柱達孟津

恭水

源出甘棗山即今朱呂溝水流入黃河

葡萄澗

縣西二十里鄭村有泉五眼俗謂五股泉南流入於河見一統志

通澤泉

縣東八里古魏城西北合地皇泉一渠溉田伏流入沙

龍泉

縣北七十里古魏城中上有五龍祠見一統志

甘泉

縣北六十五里北山嶺上

與祝泉

縣東北二十二里北山石巖下流出相傳魏文侯率三軍自安邑至此衆渴甚文侯默祝以鞭

指示乃得泉

涇泉

縣東北三十五里源出中條山清涼寺古洞中即儀家溝水俗謂連搭溝水經注曰河北縣有涇水

涇津其水南入於河河水故有涇津之名穆天子傳曰天子自冥軫乃次於涇水之陽丁亥入於南鄭或謂之堰鄉澗水也

絳州

姑射山

州西北四十里南華經云堯見四子藐姑射之山窅然喪其天下焉即此見臨汾

馬首山

俗名馬頭山州西北四十里與姑射隔一峪史記趙盾田於首山爲此上有龍祠禱雨輒應

九原山

州北二十里趙文子與叔譽觀於九原晉大夫墓地也山產堯花

鼓山

即鼓堆城西北二十五里周圍四里高五丈穹窿而圓狀如覆釜人馬踐履有聲故以鼓名下有泉

池唐高祖克霍邑進攻臨汾郡犒軍宿山上温大雅大唐創業起居注曰庚寅宿於絳郡西北之鼓山帝爲討捕大使時舊停營所故逗而宿焉去絳二十餘里絳城不下是日曉鼓山西北有大浮雲色或紫或赤似華蓋

樓關之形頊史有暴風吹來向營而臨帝所居帳上帝指絳城而謂傍侍曰風雲如此彼何不達之甚幸卿帝觀兵於絳取之朝食於正平縣令之宅

峩峩山

州二十里迤邐夏縣聞喜猗氏臨晉榮河諸縣西抵黃河東臨曲沃

汾河

州南門外繞城下稷山

澮水

州南五里出翼城縣澮高山西南過絳縣與絳水合西過虎初宮又西南至州橫橋入汾

龍谷水

州東北十八里左傳龍見絳郊即此

王澤

州南五里橫橋村水經澮水至王橋入於汾注云晉智伯瑤攻趙襄子襄子奔保晉陽原過後至遇

三人於此澤自帶以下不見持竹二節與原過曰為我遺無卹原過受之按此橫橋即王橋其灘即王澤也

鼓堆泉

州北二十五里源出九原山泉上有堆如覆釜形履之聲如鼓其泉有清灰二泓環遶乎惠聖

母祠匯於祠南俗名神泓下流入州城詳水利

稷山縣

稷神山

縣南五十里后稷始播穀於此有陵廟水經注曰在汾水南四十里許山東西二十里南北三

十里高三三里西去介山十五里山上稷祠山下稷亭春秋宣公十五年秦桓公治兵於稷是也接萬泉安邑夏縣聞喜縣界

姑射山

縣北二十里上有姑射洞其山石壁嶮岩峯巒聳秀雨霽嵐光足稱奇勝

崑崙山

縣西北三里上有孝子廟

聖王山

縣北三十里危峯聳峭迥出群山

紫金山

縣西北三十里中有文中子洞相傳為文中子隱居之所

馬頭山 縣東北三十里狀如馬首見絳州

僊掌峯 在紫金山上有掌痕承月之狀

蛾眉嶺 縣南四十里見絳州

汾河 縣南二里見臨汾

碧水泉 加家莊康熙六年知縣孟孔脉開渠道導葫蘆泉水南向遶文星臺前折而西與碧水泉會碧水

泉由城西后土廟右南至老全折而東合葫蘆泉同歸於汾

絳縣

絳山 縣西北二十里草木不生土色皆赤縣以此得名又曰紫金山產鐵

太陰山 縣東南十里崖壁峭絕陽景不到

太行山 縣東二十里高險峭麗西北諸山多其支脉

橫嶺山 縣南四十里山形直截亦名橫嶺關有巡檢司

湫池山 縣南十五里上有湫池龍王祠

華池山 縣東十五里上有華池龍王祠春秋報饗十有餘處

存雲嶺 縣南三十里又名鳳凰山有姜嫄塚建廟歲時有司致祭

冷口峪 縣南十五里峪中四時多風雖盛暑猶寒

陳村峪 縣東南十五里出太陰中條兩山間帶溪水發源處也又通垣曲縣界

沙峪 縣東三十里壁峯峭絕

河王峪 縣東三十里通沁水縣界

續魯峪 縣東五十里亦通沁水縣界

絳水 縣西溝中源出至楊村灌田西流入聞喜即涑水上流也智伯所謂絳水可以灌安邑者即此

沸水 縣北十五里絳山下流入曲沃縣

涑水 縣東南十五里源出自陳村峪出伏流地中至柳莊復出居民灌田西流至溝入聞喜

澮水 縣東北四十五里源出大交鎮東流至鎮西與故郡水合至絳州入於汾

帶溪水 縣東南二十里陳村峪諸峯間約四五里出村西周廻滌漑若環帶然自宋元暨明常導水通渠至城沿久廢壞

故郡水 縣東北四十里源方二畝其深不測入澮水

逆溝水 縣東八里泉自溝中北流入曲沃境

玉龍泉 縣東五十里東賀水村

馬跑泉 縣西十里楊村雖旱不涸潦亦不流旁有太陰將軍祠

拔劍泉 縣東四十里晉峪俗傳晉文公至此憇息豎劍於地拔而得泉

聖水 縣西十里楊村魏太康間里人楊斛因耕田水湧三泉甜苦不一有疾者飲之常愈每汲一泉餘泉輒動

垣曲縣

太行山 縣北八十里俗名鋸齒山北抵陽城延袤八十里餘里茂林森秀形勢巍峩

諸馮山 縣北五十里山明水秀孟子所云舜生處

歷山 諸馮山後山頭平廣俗名舜王坪即舜耕處東西南北各十里迄今荆棘不生上有石碌碡數百下

有舜井及娥皇女英祠

警塚山

縣北五十里一云鳴條山警賸葬此今塚墓尚存俗名鼓鐘山相傳昔有金牛入洞人駭異投石擊洞中水出即興雲雨石上尚有牛跡後凡遇旱投石雨亦應因建金牛龍神祠水經注曰山海經曰鼓鐘之山帝臺之所以觴百神即是山也

三堆山

縣北八十里方廣五十里餘多產藥材

折腰山

縣北七十里古傳有銅礦洞鑿久春摧

三錐山

縣北六十里三山峯如錐

牛心山

縣北四十里狀類牛心

懸泉山

縣西北六十里縣岡發脉於此為邑太祖山

蘑菇山

縣北三十里縣岡脉經過於此為邑少祖山

佛山

縣北三十里上有古刹因名

寨子山

縣北三十里世傳金兵亂十八村人避兵於此見有神呵護保全無虞至今輪流祭享

華綠山

縣西北五十里

王屋山

縣東北六十里山勢巍峩東抵濟源

濟源山

縣東北十餘里遙連王屋天壇濟水發源於此

鳳凰山

縣東里許狀如飛鳳上有玉皇廟為縣治龍煞

中條山

縣西南九十里迤邐至郭南里許為條山之尾拱向縣治為案下臨黃河上有洪慶觀又建觀河亭餘見蒲州

黛眉山

縣東南黃河南岸嵯峨秀麗盡漢浮雲望之如畫圖又如錦屏

獅子山

黃河南岸狀如獅子蹲踞掉尾河干黃河南為縣治外案

掛榜山

縣西南三里有天神廟為邑虎煞

鷄籠山

縣西南五十里有玉皇廟巍峩壯麗黃河遶其下

鷹嘴山

縣西四十里近古青廉城上有風洞世傳為宋將楊宗保探穴處

虎兒山

縣西五十里俗傳晉王右軍讀書於此墨跡徧山

墨山

縣西七十里有聖母廟

椅山

縣西南七十里有古刹登巔遠眺可望聞夏

歪頭山

風山

縣西六十里為橫嶺關入口處其地多風上建玉皇關帝二廟

轉山

縣西七十里遙連橫嶺山多迴轉曲折

橫嶺山

縣西八十里嶺上分界東垣西絳為晉要隘背有橫嶺關

牧馬坪

縣西上毫城世傳湯牧馬處

白雲洞

縣北一百二十里深二丈許內有石鐘即白雲子修仙處

風化嶺

縣西五里小趙村

風翻嶺

縣西五里小趙村北

趙家嶺

縣西南十里居民甚衆

臯落嶺

縣西北四十里古東山臯落氏舊址

鞍子嶺 阜落西一里

栢廟嶺 縣西北三十里

聖人嶺 縣西北七十里上有磨菰神廟

火石嶺 縣西北九十里

神嶺 縣北二十五里燈坂村

黃河 縣東南里許河九曲此為一曲上有龍門下抵孟津狂瀾有聲水面浮泥元至正十一年河清於此

汎水河 縣東半里許為濟河支流其性見伏不常南流入黃河一名湛水按通志云湛水出河內軹縣

舊名舜清河知縣董爾性鑿石開渠有董公渠記

毫清河 縣南數武發源橫嶺山下由關店河順流而東經郭南入黃河每值大雨狂瀾湖泮濱河田地

多被衝壞至與黃河交會泛漲浸城尤為巨害明萬曆間築石堤護城以防水患有石堤記

關店河 縣西五十里

沙金河 縣西六十里

板澗河 縣西南三十里

園子河 縣西北二十五里

清水河 縣西南五十里

白澗河 縣西五十里

西泉 城內西南隅水盛味甘居民利之

凝碧泉 縣北十里峪子村俗名消癭泉見景說上有龍王祠遇旱禱雨屢應

金瀾泉 縣北四十里替塚村詳見景說

帝鄉泉 縣北四十里在舜生之鄉故名

滴水泉 二一縣北里許明崇禎八年邑令段公上建龍王廟一縣四十里下毫村南懸崖丈餘滴水如雨禱雨多應

孝子泉 縣西里許從未有泉因孝子廬墓湧出故名

馬跑泉 三一北羊里一平原里一下毫里

王公泉 縣西二十里王茅鎮

五龍泉 縣西二十五里世傳有不孝婦浣其姑衣毀其姑時有白羊自泉湧出化為五龍立裂其婦上建五龍祠

清水泉 縣西南三里辛庄村

白馬泉 縣西北六十里上王村

懸泉 縣西北六十里在懸泉山腰

煖泉 二一在縣北塔坂村一在縣西王茅鎮

連莊澗 縣北峪子村

五虎澗 縣西南五十里明嘉靖間置武官於此防礦徒今廢

白水澗 縣西下毫村東

華露澗 縣西北五十里回村

火星澗 縣西四十里

蕪家澗 縣西三十里

板澗 縣西南五十里

黑龍潭 二一縣西三十里南庄村歲旱禱雨輒應居民祠祀一縣西十五里柳庄村

霍州

霍山 州東南三十里一名太岳南接趙城北跨靈石東抵沁源古冀州鎮見趙城

觀鵝峯 霍山西形勢突兀松栢蔚然上有宣貺真君祠即遺趙襄子朱書及為唐太宗導兵克霍邑者

後人集木於南麓將立廟夜聞有呼各村食牛聲至鷄鳴牛悉自逸出久之復歸比晚視之前所集木盡移山巔矣土人即廟祀之

金鞍嶺 州南十里唐太宗息馬卸鞍處

蛤蟆嶺 州東北五十里即賈胡堡與靈石接界嶺勢巍峩屹立山表每日將暮群阜深黑此嶺獨受返照青紫萬狀絢采可觀

聖佛崖 州西南十五里汾水東岸上有石佛大小千餘

義城谷 州東南三十里中出水西流溉田

陶唐谷 州東三十里帝堯避暑處水聲山色林峯環蔚四時皆可登眺

石鼻谷 州南五里許即彘水之源跨溪入谷行數里有朝陽洞風日凝聚冬不甚寒道人尚青山任素鉉相繼解脫於此

鑿鈴原 州南十里唐太宗過此掛鈴於樹上

鷓鴣掌凹 霍山中即妖蛛與龍鬪之所

汾河 經城西下趙村

彘水 州南霍山下西流經城南入於汾又州東八里大張村有古魚池引為渠十里丘家崖有張丘泉俱

經城南合彘水入汾水經注曰彘水出太岳山禹貢所謂岳陽也即霍太山

方池 州南十五里郭莊村興國寺下有池幾畝許深遠清冽群魚游躍其中

龍池溝 州東北三里溝上有龍王祠林宇峻密下有泉數泓旱禱輒應相傳有龍蟠其間

玉泉 陶唐谷半山間水出如玉因以為名

打鼓泉 霍山自山頂而下注地如鼓聲

圓泉 州東十五里陰地村西入於汾

轟轟淵 源出汾西縣東十五里有淵逸真人祠流經城西入汾水聲如雷

吉州

孟門山 州西七十里山海經曰孟門之山其上多金玉其下多黃堊涅石淮南子曰龍門未闢呂梁未

鑿河出孟門之上即此山也穆天子傳曰北登孟門九河之蹬水經注曰孟門即龍門之上口也

壺口山 州西七十里禹貢曰冀州既載壺口又曰壺口雷首至於太岳蓋河勢北來至此全傾於西崖

奔放而下約五六百尺懸注漩窩如一壺然

吉山 州舊城半枕山麓相傳自古不被兵擾

庖山 州北三十里迤北而上又三十里至絕頂上建伏羲廟相傳伏羲為人祖名人祖山舊碑傳為庖羲

氏故宮

風山 州北九十里上有穴如輪風氣蕭瑟又名孔明山下有寺

錦屏山 州半里許乃州前案也山花爛熳草木葱蔚宛然如錦屏相傳尉遲敬德從征過此曾掛甲其巔又名掛甲山上有晉文公祠兵亂之後毀圮無存知州南鵬重建

壽山 州西南花木芳菲半山中有觀音洞洞西有一山層次如級名曰九龍堰

高祖山 州西三十里峯巒奇秀與人祖山相雄峙舊有漢高祖廟

管頭山 州西北三十里接連高祖山樹木深密數十里內有六甲土地神廟最為靈應

高田山 州東一百里高出天半上有真武廟

黃河 自塞外來經州境南流

清水河 州北流經州南數十步合山間諸水東南流五十里入於黃河

小水河 凡四一在東門外環門橫流入清水河一在州東經三官廟前流入清水河一在錦屏壽山之

峽流入清水河一在州西五里蒲峪

寬靜河 即鄂水也由寬靜村西流五十里入於黃河

縣底河 源出於高田山下經桑河窰頭回公諸村流入於大寧縣河內

明珠川 州東一百里傳有明珠照耀滿川後為異人所獲

南澗 州南西流入於黃河

甘泉 州西街深八尺見水利

飲馬泉 州東文廟前雨泉涓涓從石孔中湧出流入州南清水河相傳尉遲敬德曾飲馬於此

鄉寧縣

栢山 縣東十五里孤峯聳秀蒼栢堆翠望之若虬龍上有荀息廟

岱山 縣東十里上有東岳廟

鄂山 縣東三十里平原突兀峰嶂噴吐鄂侯之封以此名焉

高天山 縣東四十里嶽峻絕高出群山其上常繞以雲氣

尖山 縣南二十里孤峯特出上有廉頗祠

林山 縣西南三十里上有白起廟

馬頭山 縣南八十里形若馬首上有黃龍洞

塔子山 縣西南一百里峯巒盤錯侵薄雲物上有雲中寺石塔

兩乳山 縣西南七十里雙峯特出故名

雲丘山 縣南九十里古有真武廟今修五龍宮

香爐崖 縣西一百里以形肖名

青石峽 縣西南一百里巉削峭厲屈曲如犬牙相交

豁都峪 縣東一百三十五里即官水峪詳水利

三官峪 縣東南通太平縣界

石門峪 縣南由東郊村通絳州界

安分峪 縣東南有靈岩寺通絳州稷山界

馬壁峪 縣東南內有劍泉由五龍宮通絳州界

莊頭峪 縣南有馬跑泉通稷山縣界

桑平峪 縣南由郭家集通稷山縣界

雙栢朴峪 縣西南有滴水崖文中子洞通稷山縣界

龐統峪 縣西南通河津縣界

鄂水 縣東三十里源出鄂山陰流經縣城南與羅峪水合西流至縣西北境八十里師家灘入黃河

羅峪河 縣東北三十里源出高天山流至縣城東北繞城東南與鄂水合入黃河

暖泉 城東門外百步許水冬不凍南入鄂水

劍泉 縣東南俗傳唐太宗以劍斫山泉隨湧出入馬壁峪

馬跑泉 縣東南八十里流入莊頭峪

温泉 城南半里許高山之陽湛然深碧返寒弗凝山麓西流茂樹森疎與二三茅屋交錯殊有雲中鷄

犬之况知縣張季霖作亭其上有記

白雲泉 出南山昭遠寺側白雲洞佛龕下淵澄秀徹淳

歲旱步禱甘雨屢應知縣張聯箕書聯榜其洞口曰洞涵潭影霏靈雨佛振潮音湧白雲蓋以紀其實云

隰州

五鹿山 州東南七十里高八里盤踞十里上有五鹿大夫廟

妙樓山 州北七十里高五里盤踞二十里有石巖甚高廣內有石寶寺前有龍池後有泉窟冬夏弗竭

禱雨輒應

石馬山 州東北六十里其形如馬

蒲子山 州東北五十里高五里相傳堯之師蒲伊子隱處漢以此名縣

石秀才山 州東北六十里望之如儒生拱揖之狀

白衣山 州東三十五里高七里盤踞二十里昔有白衣居士藏修於此

飲馬山 州東九十里高四里盤踞七里怪石之中噴玉翻雲漢文帝自代過此飲馬焉生草如韭可食

紫荆山 州東七十里山極高峻登其巔可望五百餘里上有寺廟東有紫荆寨並石窰可以避兵

海架山 州北十五里上有真武廟銅身高一丈二尺

堆金山 州東一里許形如金字上有文昌祠

暖水窰山 州東六十里懸崖峭壁古木槎枒三面豁然爽人心目半山有泉出石竇中傍有古刹繙

流引水激碓直入厨中

昇仙洞 山 州西北六十里高二里許上有昇仙洞深窈莫測世傳常聞仙樂

慈母山 州東北五十里出柴木樵人多伐之

下壑山 州東北五十里出木炭

暖占山 州北五十五里

神峪山 州北五十里

百花山 州北一百三十里溫泉之南相傳山多異葩今居民墾以為田而花事岑寂矣

水簾洞 州西北七十里懸崖瀑布望之若簾洞內石穴穿開有石燕翻飛而出

紫川 出州西南山谷間過州城作城大寧馬鬪關入黃河兩崖不生草木水底不產鱗族岸石皆紫故名

降龍溝 州東北昔有二龍相鬪神人降之故名

龍子湫 一名瀑布泉州南十里山谷間西南入昕川常有龍見因建祠焉禱雨即應宋崇寧三年勅賜

廣濟廟大觀四年封順民侯明封為龍子湫之神

明月泉 州北八里其東石壁蒼黑中有白石光瑩如月照水

大寧縣

孔山 縣西北三十里高插雲霄壁立如笏迤西另起一峯有孔相傳時時風聲鼓盪亦名風水山水經注曰北屈縣故城西四十里有風山上有穴如輪風氣蕭瑟習習不止唐時有馬鬪關

翠微山 城南數百步昕川繞麓而流高踰千仞橫亘里許松栢森秀望之蒼翠媚人

捕狐山 縣北三十里孔山之東派邑治之祖龍也相傳山舊多狐晉獻公常捕狐於此

屈山 城西南隅二里形勢屈曲廻抱昕水至此逆而西流

石子山 縣西南四十里山勢嵯峨草木叢密人跡不到世傳石姓子爵衛大夫碣之後廟食於此又名

小石山

筆架山 城西南三峯竦起為邑文峯宋太祖建筆峯寺於上

龍泉山 城之東北舊名東山因修治大清觀改今名捕狐之支也高二里許以石戴土溫潤不峭急巔有臺榭老松蔚然雅具奇觀

鎮關山 縣西七十五里西臨馬鬪關因名

孟門山 縣西馬鬪關之南三十里見吉州

壺口 馬鬪關南二十里孟門之上形勢如壺黃河之水盡注於中見吉州

龍窩洞 縣南二里翠微山之南丹壁嶙峋高可百尺上有巖深廣各丈餘石際隆起宛如龍形

冰玉洞 城南屈山之澗深邃莫窮其際澗水冬結為冰光瑩似玉入夏猶有存者又名龍窩

黃河 縣西七十五里馬鬪關控帶諸山為邑西之扼塞南達孟門壺口接吉州界

義亭川

源出姑射山之金剛嶺轉流而北會蔡家川至翠微左麓合昕川西入於河又名羊求川

昕川

一自東北隰州曰紫川一自正東蒲縣曰蒲川一自正北曰羊求川會於城東三十里為昕川南經

翠微山麓合義亭川西入於河

白馬掃

縣西四十里桑峩村昕川所經處險石對峙水勢湍激淵深莫測相傳有白馬出沒石印蹄跡尚存或曰此地在晉時多產良馬亦名屈產泉

梵王掃

縣西十里阜城寨之下石峽巉巖川流澎湃昕河西流水勢飛濺洶湧若帚之掃上視懸壁石龕中有梵王肖像在焉

聖水泉

縣西北三十里孔山禪峯寺之東有石洞深廣並三尺餘懸崖之上清泉流注匯為碧池常盈不竭遇旱禱雨輒應

永和縣

烏龍山

縣西南四十五里高五里盤踞七里巨栢參天不可數計北齊河清三年有烏龍見於此其頂多神祠碑記古栢經前任伐盡康熙間知縣王爾楫復加培植居民誦之

佶北山

縣東北三十五里高八里盤踞十二里舊有佶北神廟

雙山

縣東南二十五里高七里經過十五里兩峯對峙上有神廟高頂中有石佛路最險隘多警

北樓山

縣東南三十五里高三里盤踞五里唐置樓山縣以此

南樓山

縣南六十里高五里盤踞三里與北樓山相對其形如樓

捕狐山

縣東南七十里高五里經過七里上有捕狐神廟

馬脊山

縣西四十里其形如馬亦名馬頭山

卧牛山

縣南四十里以形肖名

烈鳳山

縣西十五里勢如鳳之飛揚

龍岩

縣南七十里寺有寺宋太祖避世於此

香巖

縣西北七十里有寺頂有清泉流入僧房

仙芝谷

縣東北五里谷中常產芝草

黃河

縣西南七十里北自石樓至本縣南入大寧

仙芝河

水出仙芝谷西南流諸水入黃河

甘露河

縣西南二十里流會仙芝河

靈液泉

縣東城下舊碑云北齊河清二年有龍躍自泉中因立祠池上旁有井亦名靈液

五花泉

縣西門外北齊時有龍自泉中出其泉流入仙芝河即今官河見一統志

龍洞泉

縣北五里入榆林河

橐陀川

縣東北三十五里西入芝河

榆林川

縣西北三十里南入芝河

蓮池

縣東隅蓮花甚盛足供遊賞名人題咏甚多



